

# Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XVII. No. 50

Private circulation

December 29, 2019

## NGAIKHETU LEL

– Jamson Guite –

*Noumau kikhem in, ngaikhetu lel hikei unla; gen a ompen semkhete hizaw un (Jakob 1:22).*

I phawkloh kal in hun leh nite ana pailiam zungzung hi. A huchih dungzui in mihingte simdan in kum 2019 bei diing ahinawnta. Saupi va genloh in tukum sung lel in leng Laisiangthou pasan in thutak tampi I simkhia ua tampi I za uhi. Mimal a Laisiangthou I simna apan in leng tampi I simkhia a I zilkhia uh a lamet huai. Huchi mahbang in biakna a thugente apan leng tampi petmah I zak a I sinkhia uh I gingta. Delhi context en lehang tukum sung in (kum khat sung vingveng) Saptuam a makaihna (Saptuam upate toh kisai) I gen uhi. I thuzakte leh I thu theihthe bang I loh ua? Bangtan ah hamphatpih in I khanletpih ua chite ngaituah in gelthak lehang I chi ahi. “Ngaikhetu lel” I hih uh ka gingtakei. Ngaikhetu lel I hih un bel a phatuamkei diing.

Hebrute laikhak gelhtu'n hichi bang in ana gelh hi, “*Unaute aw, pilvaang un, huchilou in zaw, Pathian hing pai mangsan diing in, na lak ua kuapeuh sung ah; ginlouhna lungtang gilou ahong om kha diing hi. Na lak ua kuamah, khem hatna lungtang a khemzoh a na omlouhna diing un, tuni chih ahih sungteng, niteng in khasuantuah chiatzaw gige un. A tung a kipat a muannamna I neih tuh atawptan a I let paisuak nak uleh Khri I koppih uh ahi. Hiai tuh Laisiangthou gen ahi: “tuini a Pathian aw na zak uleh, na pipu-te uh Pathian tung a ahellai uh bang in na lungtang uh khauhsakkei un” chih* (Hebrute 3:12-15).

Awle! Hun paisa a sung a Saptuam a maikaihna toh kisai a insung a pa toh kisai a I thuzakte, nu toh kisai a I thuzakte leh tate toh kisai a I thuzakte ah bang I chi ua? “Noumau kikhem in, ngaikhetu lel hikei unla...” a chih bang a ngaikhetu lel I hi hia? Ngaikhetu lel hilou in gen a omte semkhete hizaw ni hang. Thutak zaktan lel a hunkei. I zakte zuihna ahi apoimoh pen. I zak thute ah lungtang khauhsakkei ni. Ginna leng thilhih a pankei leh a si ahih mahbang in (cf. Jakob 2:20) i thutak zakte nasep in a zuihkei leh a bukimkei hi.

I thutak zakte, I thutak simte leh I thutak theihthe zuitu I hihloh a, a zatu lel, a simtu leh a theitu lel I hih Chiang in “*A hun ngaithah in zaw, heutu hikhintu hial diing a kilawm na hi ua; hinapi in Pathian thubulte nou hon hilh diing mi kiphamoh nawn nei tave ua. Angum hilou in nawitui kiphamoh na hong hita uhi. Nawitui nelai peuhmah tuh naungek ahihlai zia in; diktakna thu ah theihsiamna aneikei hi. An gum bel pichingte a diing ahi, huaite'n azat gige zia un a sia leh apha thei diing in, a theihnate uh a sin zongsangta uhi. Huchi in Khri thu a, sinsakna thubulte kia gengen nawntalou in, pichin lam I manoh diing uh; sihna hon tun thilte apan a kisiikna leh Pathian a ginnate, baptisate, khut ngaknate, misi thohnawnna leh taangtawn vaihamna lam thuhilhna khawng a suangphum phum nawnta lou in”* (Hebrute 5:12-6:2) chi a hasot ngai ina hinak uhi.

A zatu lel I hih a, ngaikhetu lel I hikhak Chiang in khalam ah kipiching theilou a, khalam a naupang kisuakden hi. I pianthak kum tammawk lelang I thuzakte semkhetu I hihloh Chiang in pichinna omtheilou hi. I zaksa leh theihsa thute zui hilehang khalam a piching I lak a muhtheih diing tamkhop omta diing hi.

Upate nei diing khop a tualsung saptuam I pichin zohlouhna zia uh leng hun tawmzaw a ngaikhetu lel I hih zia uh hikha diing hi. Huaizak in mimalmalte khalam a piching a, tualsung saptuam leng upate neihei ding tan a piching thei diing in I thuzakte semkhetute hi diing in panla thak ni maw!

**PLACE OF WORSHIP**

UCI Building,  
Sector - VI, RK Puram,  
New Delhi - 110022

Phone No. 9953968807

website : www.cocdelhi.org

**'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

Enkaitu : Jamson Guite

**BIBLE CLASS**

**Class**

Adult : Chinpau, Khenpi  
Junior : Timothy & Robert  
Primary : Ngaihlun, Biaknem & Minlun  
Beginner : Vungngaihkim & Biakkim

**Teacher**

**TOUPANI THILPIAK**

**Date - 01.12.2019 - ₹ 32,112/-**

**BIAKNA PROGRAM**

**Toupani' (29/12/2019)**

Hun-uk thumna : L James  
Lapi : Pausuanlian  
Thilpiak : Jangthang  
Theihgigena : Siamkhanmuan  
Thugen : Jamson  
Thumna : Lamsuanmung

**BIAKNA PROGRAM**

**Kiginni (04/01/2020)**

Hun-uk thumna: Kamkhenthang  
Lapi : Mungmuanlian  
Thugen : Jamson  
Thumna : Janglet  
Amun: UCI Building,  
Sector - 6, RK Puram

**BIAKNA PROGRAM**

**Toupani' (05/01/2020)**

Hun-uk thumna : Kamkhenthang  
Lapi : Mungmuanlian  
Thilpiak : Tawnsianpau  
Theihgigena : Thongginlian  
Thugen : Lang James  
Thumna : Janglet

**SUNNA**

Kal paita sintawpni in unaunu Nengni-an w/o unaupa Khenchin in a leitung khualzinna zou in a tangtawn mun diing hon zotsanta hi. Unau lusunte i thuakpih ua van Pathian khamuanna i ngetsak uhi.

Unaupa Chinlunmang kal paita sintawpni a Delhi hongtun hihmahleh hiai sihna thu ziaak in kiginni zing baihtak in Lamka lam ah ana kilehkik nawn hi. Damtak a hunte ava zat ahongtung kikhawn i deihsak uhi.

**THOUGHT OF THE WEEK**

**Noumau kikhem in, ngaikhetel lelhikei unla;  
gen a ompen semkhetel hizaw  
un (Jakob 1:22).**

**THU TUAMTUAM**

**ZIN LEH TUNG**

Haichin a Gospel Campaign leh Mission Veng, Lamka a a Christian Fellowship zang dia zinkhia unaupa Jamson damtak in hongtung kikhawn.

Unaupa Tawnsianpau leng kal paita sintawpni in damtak in Delhi hongtung kikhawn. A zi leh tate bel hong omtadih lai phot uhi.

Unaupa Thangbiakmang leng a sepna Rajasthan apan in suti hong pai a tun ilak uah omlel hi.

Kal paita sepawnni in unaupa Jangthang nasep diing poimoh khenkhat ziaak in Buangmun kua lam ah ana ziankhia hi.

Zan kiginni nitak in Lamka apan in tu leh tate veh diing in unaunu Ngaizahat leh unaunu Thang Mary Delhi hongzin ua ilak uah omlel uh.

Shimla a hun nuam zang dia zin unaupa Thangbiaklun-te innkuan leh unaupa Joseph Pauminthang-te innkuan leng dam in hongtung uhi.

**THU TUAMTUAM**

**LAWMMAN HAWMNA OM**

Kal paita Toupani in Bible class leh Sunday School kumtawp examna a lawmmante hawmkhiakna om hi. Tukum a dia bible class zoh ahih toh kiton in Bible class leh Sunday School khawltadih phot hi. Dam a kum thak i muh leh January kha in kipan nawnpah diing hi.

**THUTAK HOULIMNA NEI UH**

Kal paita ningani in unaupa Robert malakna in unaupa James-te inn ah tuailai lunglut bangzah hiam in unaupa James toh thutak houlimna hun manphatak ana zang uhi. Hiai bang a thutak a lunglut unau tuailaite phathuai isa petmah uhi.

**VISITATION PROGRAM**

Kumnawn 2020 first quater a preacher visitation program diing sutkhiak hinawnta hi. Unaute'n eimah copy diing kilak chiat in ei inn ni diing chiamteh chiat ni. Bang hiam lemnanlouhna omleh preacher thuzak a hoih diing.

**COME AND SEE**

- John Wright

There was once a good man who knew nothing about Jesus. He was such a good person that, a little later, Jesus said of him, "Behold, an Israelite indeed, in whom is no guile". But at first, he did not know the Lord. In John 1:45-46, we learn that Philip went to his friend, Nathanael and told him of the Savior, Jesus of Nazareth. Surprised, Nathanael asked, "Can there any good thing come out of Nazareth?" Philip gave a quick, clear answer: "Come and see."

As we move about in our daily work, we find those who know very little or nothing about the Lord Jesus. When we tell them of the change He makes in the lives of men and women, they may doubt. When we tell them of the good, loving, caring congregation with which we worship, they may doubt. One of the best answers we can give to this is, "Come and see."

To those who read this article: If you are in need of salvation, if you are in need of being restored, or if you are searching for a church home, we believe we can assist you. We urge you to "Come and see" if we are all people say we are.